

## იმიტირებული არჩევნები ქუთაისის უნივერსიტეტი

ცესკომ მიზნად დაისახა, რაც შეიძლება, მეტმა ამომრჩეველმა უშუალოდ ადგილზე გაიგოს ხმის მიცემის პროცედირების შესახებ.

იხილეთ მე-3 გვერდზე



## პენსიური უამოღოვია ქუთაისში

მარჯანიშვილის ქუჩაზე შევლას ითხოვენ

იხილეთ მე-4 გვერდზე



# საარჩევნო გარემო ქუთაისში

ოპოზიციური პარტიის მაჟორიტარები ირიბ ზენოლასა და ადმინისტრაციული რესურსის გამოყენებაზე საუბრობენ

ქუთაისში წინასაარჩევნო პერიოდი, შეიძლება ითქვას, საკმაოდ მშვიდ ვითარებაში მიმდინარეობს. ყოველი შემთხვევისთვის, მაჟორიტარობის კანდიდატები სკანდალური განცხადებებით ბრიფინგებსა და კონფერენციებს არ აწყობენ. მაგრამ მაინც აღნიშნავენ, რომ გარემო კანდიდატებისათვის არათანაბარია. თუმცა, სიტყვა არათანაბარსაც სხვადასხვა პარტიასთან მიმართებაში აქვს სიძიმის სხვადასხვა ფორმა, უფრო მეტიც ხანდახან სხვადასხვა შინაარსიც.

„ირაკლი ალასაინია — თავისუფალი დემოკრატების“ ქუთაისის მაჟორიტარობის კანდიდატი ლელა სეზუა ამბობს, რომ ყოველ დღე რამდენიმე შეხვედრა აქვს დანიშნული, ამომრჩევლის მშვიდ ვითარებაში ხვდება და პროვოკაციებს ადგილი არ აქვს.

„რომ ვთქვა, რაიმე ტიპის სიძინელება, ასე არ მახსენდება. მთავარი, რის გამოც საარჩევნო გარემო არის არათანაბარი — ფინანსებია, რაც, რა თქმა უნდა, ქმნის სხვადასხვა პრობლემებს,“ - აცხადებს ლელა სეზუა.

საარჩევნო გარემო მეტ-ნაკლებად თანაბარია „პაატა ბურჭულაძე - სახელმწიფო ხალხისთვის“ ბლოკის „გირჩელი“ მაჟორიტარობის კანდიდატისთვის. თემურ ცამცივილის თქმით, არის ზეწოლის გარკვეული შემთხვევები. ადამიანები, რომლებიც დასაქმებულნი არიან სახელმწიფო სტრუქტურებში, განიცდიან ირიბ ზეწოლას.

ირიბი ზეწოლის კონკრეტულ შემთხვევებს ბატონი თემური არ ასახელებს. ამბობს, რომ აღნიშნულის შესახებ მონაცემები ცენტრალურ ოფისს აქვს და თუ საჭირო იქნება, ის გაასაჯაროებს.

„პარტიოტა ალიანსის“ ქუთაისის საარჩევნო შტაბის უფროსი თემურ ხურციძე პარტიის საქმიანობის ხელისშემშლელ ფაქტებზე საუბრობს.

თემურ ხურციძე: „რამდენიმე დღის წინ მოვიდა დასუფთავების სამსახური და გვითხრა, რომ ელექტრობოძებზე გაცრული პლაკატები ჩამოგვეხსნა, რატომ უნდა ჩამოგვეხსნათ? პირველად „ოცნებამ“ გააკრა ბოძებზე პლაკატები, მოგვცნ მთელი, ჯერ მათ ჩამოხსნან და მერე ჩამოგვხსნით ჩვენ.“

გულში კიდევ ოფისს წყალი ჩაუჭრეს, არადა ტრენინგი გეჭონდა, 200-მდე ადამიანი იყო იმ დღეს მოსული, ბოლოსდაბოლოს საპირფარეოთი ხომ უნდა ესარგებლათ? მართალია, დღეს უკვე აღდგენილი გვაქვს წყალი, მაგრამ რა მიზეზით ჩაჭრეს, ვერ გვეუბნებიან. რამდენ



ნამე თვა უკვე ოფისი დაქირავებული გვაქვს, წყლის ფულს ვხდით და ახლა გაარკვიეს რომ, როგორც ორგანიზაციას, სხვა ტარიფი გვეკუთვნოდა?

პრობლემა გვექონდა შენობის დათმობასთან დაკავშირებითაც. გვინდოდა, შეხვედრა ოპერის თეატრში გაგვემართა, თუმცა, მაშინ უარი გვითხრეს იმ მიზეზით, რომ შენობაში სარემონტო სამუშაოები მიმდინარეობდა. არადა ზუსტად იმ დღეებში ოპერაში რამდენიმე ღონისძიება გაიმართა. სხვა კონკრეტულ ზეწოლის ფაქტებზე მე პირადად ინფორმაცია არ მაქვს, ჩვენი პარტიის მაჟორიტარები დადიან შეხვედრებზე და ისეთი არაფერი უთქვამთ“.

რესპუბლიკელი ნატო ქათამაძე, რომელიც ქუთაისის #48 მაჟორიტარულ ოლქში იყრის კენჭს, ყოველდღიურად უამრავ შეხვედრას მართავს.

„ვერ ვიტყვი, რომ შეხვედრებში ვინ

მე ხელს მიშლის. პირადად ჩემთვის ძალიან პოზიტიურია მოსახლეობასთან შეხვედრები. თუმცა, ხელიუფლება იყენებს ადმინისტრაციულ რესურსს, როცა არჩევნებამდე 10 დღით ადრე მუნიციპალიტეტის შენობაში მართავ უფასო სამედიცინო შემოწმებებს, რა თქმა უნდა, კანონდარღვევა და ადმინისტრაციული რესურსის გამოყენებაა. თუ ადამიანს სჭირდება სამედიცინო შემოწმება, ის მიდის არა მუნიციპალიტეტის ადმინისტრაციულ ერთეულში, არამედ სამედიცინო დაწესებულებაში.“

- ამბობს ნატო ქათამაძე.

ყველაზე მწვავედ საარჩევნო გარემოს ნაციონალები აფასებენ. მაჟორიტარობის კანდიდატის ვია თევდორაძის პიარი ქეთი დვისაძე ამბობს, რომ გარემო არათანაბარია.

„დავიწყეთ შეკრების ადგილიდან, როცა შეხვედრა გვინდოდა, არ დავით-

მეს ოპერის თეატრი. ცოტა ხნის წინ ქართულ-გერმანულ ცენტრში გვსურდა გერმანული სტუმრის მიღება, გვინდოდა, სტუდენტებთან შეხვედრა, თუმცა, ცენტრმა უარი გვითხრა.“

ლიად და დაუფარავად იყენებენ ადმინისტრაციულ რესურსს, თავიანთ შეხვედრებსა და ყრილობებზე ბალების გაშვებები დაპყრობა, იყენებენ ტრანსპორტის სამსახურის მიკროავტობუსებს, ჩვენს მომხრეებს და კოორდინატორებს ემუქრებიან. შეხვედრებზე ძალიან ბევრი ხალხი მოდის, მაგრამ როგორც კი კამერას ჩაერთავს, ხალხი თავს გვარიდებს. მოდიან და გვეუბნებიან, თქვენი მომხრე ვართ, მაგრამ ჩვენი შვილები საჯარო სამსახურში მუშაობენ და გვეშინია დაფიქსირებისო.“

ასე რომ, ეს არის ყველაზე არათანაბარი გარემო, რაც კი ოდესმე ყოფილა.“

„ბრწყინვალე“ - ასე ერთი სიტყვით აფასებს სახელისუფლებო კანდიდატი გენადი მარგველაშვილი საარჩევნო გარემოს. ის თვლის, რომ ასეთი კარგი საარჩევნო გარემო საქართველოში აქამდე არ ყოფილა.

ახლა არ არის 2012 წელი, როცა მეურაცხუფილი ადამიანები დაირაზმდნენ. „ქართული ოცნება“ არის უალტერნატივო, ამიტომ ჩემი კონკურენტების სახელით ადმინისტრაციული რესურსის გამოყენებასა და ირიბ ზეწოლაზე არის წინასწარ თავის დაზღვევა. მათ იციან, ვინ გაიმარჯვებს ამ არჩევნებში, ამიტომ წინასწარ იზღვევენ თავს.“ - აცხადებს გენადი მარგველაშვილი.

ერთი სიტყვით, საარჩევნო გარემოს შეფასების შკალის ნულ წერტილთან ნაციონალები დგანან, ბრწყინვალეების მწვერვალთან — „ოცნება“, დანარჩენი პარტიები შიგა სივრცეში არიან განლაგებულნი, თუმცა, შკალაზეც ადგილები ნებისმიერ დროს შეიძლება გადანაცვლდეს. არჩევნებამდე ორ კვირაზე ცოტა ნაკლები დარჩა.

ბაკა ჩინიჭიშვილი



სტატია ქვეყნდება პროექტის „გაცნობიერებული არჩევანი-დემოკრატიის ფუნდამენტი“ ფარგლებში.

ავტორის/ავტორების მიერ საინფორმაციო მასალაში გამოთქმული მოსაზრება შესაძლოა არ გამოხატავდეს ფონდს „ლია საზოგადოება-საქართველოს“ პოზიციას. შესაბამისად, ფონდი არ არის პასუხისმგებელი მასალის შინაარსზე.

ს ა გ ა კ ი ბ ო ბ ო ხ ი ა ე

## ერთიანი ნაციონალური მოძრაობა

„ქუთაისის საპარლამენტო დელეგატაჟი“ ეს არის ახალი სუნიტაჟი, ეს არის კლიერი ქალაქი, კლიერი რეგიონი-კლიერი ქვეყნისთვის!

### იცოდა შენი უფლებაები

იხილეთ მე-3 გვერდზე

PS news.ge

ISSN 1987-7056

9 771987 705004

# ინფორმირებული არჩევნისთვის 2016 წლის 8 ოქტომბერს საქართველოში საპარლამენტო არჩევნებია!

## ხმის მიცემის პროცედურები


### ამომრჩეველთა საყურადღებოდ!

კენჭისყრა იმართება 08.00 საათიდან 20.00 საათამდე



კენჭისყრის შენობაში შესვლისას ნაკადის მომწესრიგებელ კომისიის წევრს წარუდგინეთ პირადობის მოწმობა (იძულებით გადაადგილებული პირის შემთხვევაში აგრეთვე დავნილის მოწმობა) ან პასპორტი და გაიარეთ მასთან მარკირების შემოწმების პროცედურა


თუ აღმოჩნდა, რომ გაქვთ მარკირება, არ მოგეცემათ კენჭისყრაში მონაწილეობის უფლება



მარკირების შემოწმების პროცედურის გავლის შემდეგ მიდით სარეგისტრაციო მაგიდასთან და რეგისტრატორს წარუდგინეთ პირადობის მოწმობა (იძულებით გადაადგილებული პირის შემთხვევაში აგრეთვე დავნილის მოწმობა) ან საქართველოს მოქალაქის პასპორტი


გაიკეთეთ მარკირება

მარკირებაზე უარის თქმის შემთხვევაში არ მოგეცემათ კენჭისყრაში მონაწილეობის უფლება



ამომრჩეველთა სიაში თქვენი გვარის გასწვრივ გააკეთეთ ხელმოწერა


მიიღეთ რეგისტრატორისგან ბეჭდითა და ხელმოწერით დამოწმებული საარჩევნო ბიულეტენი



კენჭისყრის კაბინაში შემოსვლამდე თქვენთვის სასურველი ერთი საარჩევნო სუბიექტის რიგითი ნომერი (ყოველ საარჩევნო ბიულეტენში)

თუ დამოუკიდებლად არ შეგიძლიათ შეავსოთ საარჩევნო ბიულეტენი, უფლება გაქვთ, კენჭისყრის კაბინაში დასახმარებლად მიიწვიოთ ნებისმიერი პირი, გარდა საარჩევნო კომისიის წევრისა, კანდიდატისა, საარჩევნო სუბიექტის წარმომადგენლისა, დამკვირვებლისა

თუ გაგიფუჭდათ საარჩევნო ბიულეტენი, მიმართეთ საარჩევნო კომისიის თავმჯდომარეს, გადაეცით გაფუჭებული და მოითხოვეთ ახალი საარჩევნო ბიულეტენი



კენჭისყრის კაბინიდან გამოსვლის შემდეგ აიღეთ სპეციალური კონვერტი და დაკეცილი საარჩევნო ბიულეტენი მოათავსეთ მასში

სპეციალური კონვერტი მოათავსეთ საარჩევნო ყუთში

კენჭისყრაში მონაწილეობის შემდეგ, გთხოვთ, დატოვოთ საარჩევნო უბანი



# „ქართული ოცნება“ ხალხთან

„ქართული ოცნება-დემოკრატიული საქართველოს“ მაჟორიტარი დეპუტატობის კანდიდატი 48-ე საარჩევნო ოლქში დიმიტრი მხეიძე ამომრჩევლებთან შეხვედრებს აგრძელებს. არაყიშვილისა და ჯავახიშვილის ქუჩის მოსახლეობასთან დაგეგმილ შეხვედრებს წინა მოწვევის პარლამენტარები ელისო ჩაფიძე და გიორგი კახიანი შეუერთდნენ. პარლამენტარებმა დიმიტრი მხეიძეს მხარდაჭერა გამოუცხადეს.



„ჩვენი გუნდი მომავალი 4 წლის განმავლობაში შექმნის კიდევ უფრო მოსახერხებელ სერვისებს ჯანდაცვაში, განათლებაში, მეწარმობის განვითარებაში, რადგან განსხვავებით 2012 წლისგან, დღეს გვაქვს აბსოლუტურად განსხვავებული რეალობა. მოხარული ვარ, რომ მონაწილეობის მიღება მომიწევს ისეთი ეპოქალური ცვლილებების განხორციელებაში, როგორცაა ქუთაისისთვის საუნივერსიტეტო და საგანმანათლებლო ქალაქის სატატუსის ჩამოყალიბება, - განაცხადა დიმიტრი მხეიძემ, - მომავალი 4 წელი გადამწყვეტი ცვლილებების წლები იქნება ჩვენს ცხოვრებაში.“

„მე მოხარული ვარ, რომ საქართველოს პარლამენტში დიმიტრი მხეიძის სახით მოღვაწეობა მოუწყვეს ადამიანს, რომელმაც კარგად იცის ჯანდაცვის სფეროში ჩართული ყველა მხარის ძლიერი და სუსტი მხარეები.“ - განაცხადა გიორგი კახიანმა.

„მინდა აღვნიშნო, რომ 2012 წლის შემდეგ მნიშვნელოვნად შეიცვალა საქართველოს ბიუჯეტში სოციალური და ჯანდაცვის საკითხების

დაფინანსება, - განაცხადა გიორგი კახიანმა, - სოციალური საკითხების დაფინანსების მაჩვენებელი წლით-წლით მატულობდა. ეს ჩვენი მოღვაწეობის საბაზო მხარეა. საქართველოს პარლამენტში 4 წლის წინ მოქალაქეთა შემოსული განცხადების თითქმის ნახევარზე მეტი ეხებოდა სწორედ ხელმოუწველოდელი ჯან-

დაცვის პრობლემებს. ბოლო წელს მსგავსი განცხადებებით კანტი-კუნტად მოგვმართვან და ესეც პაციენტის დასაფინანსებელი 10 : იანი დაფინანსების დახმარების თხოვნაა.“ არაყიშვილისა და ჯავახიშვილის ქუჩის მოსახლეობასთან შეხვედრას ესწრებოდა ტყუბულის მაჟორიტარი ელისო ჩაფიძე.

„მე მოხარული ვარ, რომ ამერიკიდან, ახალი საარჩევნო კანონის შესაბამისად, ისეთ დიდ ქალაქს, როგორც ქუთაისი, საქართველოს პარლამენტში ეყოლება სამი წარმომადგენელი. - განაცხადა ელისო ჩაფიძემ, - იყო გარკვეული უნერხულობა, როცა მე წარმოვადგენდი 22 ათასი ამომრჩევლის ხმას და ქუთაისის

მაჟორიტარი 150 ათასი ადამიანის წარმომადგენელი იყო. გაცილებით ადვილია ეკონტაქტო მცირე რაოდენობის ამომრჩევლს და იყო მათი სატელეფონო ზარების მოპასუხე, იყო მათი მხარდამჭერი პრობლემების მოგვარებასა და მხარდაჭერაში.“

## იმიტირებული არჩევნები ქუთაისის უნივერსიტეტში

საქართველოს საარჩევნო ადმინისტრაციის ინიციატივით, საარჩევნო სისტემების განვითარების, რეფორმების და სწავლების ცენტრის წარმომადგენლებმა ქუთაისის უნივერსიტეტში ამომრჩევლებისთვის იმიტირებული კენჭისყრა გაიმართეს. ცესკოს წარმომადგენლებმა ამომრჩევლს მიაწოდეს ინფორმაცია საარჩევნო უბანზე ქვეყნისა და ხმის მიცემის პროცედურის შესახებ. შეხვედრას ასევე ესწრებოდნენ ეუთოს დამკვირვებლები, რომლებიც წელსაც გაუწევენ მონიტორინგს საარჩევნო პროცესებს. დამკვირვებლებმა შეკრებილ საზოგადოებას სიტყვითაც მიმართეს.

და საარჩევნო ადმინისტრაციის წარმომადგენლებს, მედიას და სასამართლოს სტუდენტურებს. და, რა თქმა უნდა, არჩევნების ყველაზე მნიშვნელოვანი მონაწილეს, ამომრჩევლებს. თქვენი როლი მნიშვნელოვანია არა მარტო კენჭისყრის დღეს, არამედ, არჩევნებამდე და მის შემდეგაც. ჩვენ წელსაც აქტიურად ვაღივებთ თვალს საარჩევნო პროცესებს და ვეცდებით, პროცესი რაც შეიძლება, გამჭვირვალე და დემოკრატიული იყოს.“

იმიტირებულმა ამომრჩეველმა რუსო ლომინაძემ. - აღნიშნული პროცესი ძალიან საინტერესოა, რადგან ამომრჩეველთა უმრავლესობამ არ იცის, როგორ უნდა მისცეს ხმა. ამიტომ ცესკომ მიზნად დაისახა, რაც შეიძლება, მეტმა ამომრჩეველმა უშუალოდ ადგილზე გაიგოს ხმის მიცემის პროცედურების შესახებ. ამისთვის გამოვიყენეთ ჩვენი საგარანტო პროექტი დაფინანსებული ორგანიზაციები, რომლებმაც მოახდინეს ხალხის მობილიზება. შეხვედრები ინტენსიური ხასიათისა და აქტიურად გაგრძელდება 8 ოქტომბრამდე - გვითხრა თორნიკე გოგისვანიძემ, ცესკოს სწავლების ცენტრის სერთიფიცირების განყოფილების სპეციალისტმა.



„უკვე ორი კვირაა, იმერეთის რეგიონში ვიმყოფები. ჩვენ ვხვდებით პოლიტიკური პარტიების, ხელისუფლებისა

## იცოდებენ უფლებები

**1. რას ნიშნავს გენდერი? პასუხი:** ტერმინი გენდერი (ინგლ. Gender, ლათ Genus) სოციალურ მეცნიერებებში ადამიანის სქესობრივი კუთვნილების სოციალურ-კულტურული ასპექტის აღსანიშნავად გამოიყენება. ეს არის სოციალური სქესი, განსხვავება მამაკაცსა და ქალს შორის, რომელიც განპირობებულია არა ბიოლოგიური, არამედ სოციალური მოცემულობით. ბიოლოგიური სქესისაგან განსხვავებით, გენდერი სქესის სოციალურ განზომილებას წარმოადგენს, რომელიც ასახავს მამაკაცად და ქალად ყოფნის თავისებურებებს ამა თუ იმ საზოგადოებაში.

მამაკაცი ანა, თუ იმ საზოგადოებაში. კულტურისა და საზოგადოების ცვლილებასთან ერთად იცვლება ქალისა და მამაკაცის სოციალური როლიც. საზოგადოების შეხედულებების გამო ხშირ შემთხვევაში მიიჩნევა, რომ ოჯახის საქმეები და შეილების აღზრდა ქალის საქმეა, ხოლო მამაკაცს ოჯახში ეკონომიკური დომინანტის როლი აკისრია. შესაბამისად, გენდერს, ქალისა და მამაკაცის სოციალურ სქესს თავად საზოგადოება ქმნის და იგი დამოკიდებულია იმ კულტურულ ნორმებზე და ფასეულობებზე, სადაც ისინი იმყოფებიან.

**3. რას ნიშნავს გენდერული თანასწორობა? პასუხი:** გენდერული თანასწორობა სოციალური სამართლიანობის პრინციპზეა დაფუძნებული, იგი ადამიანის უფლებათა განუყოფელი ნაწილია და ნიშნავს, რომ ქალსა და მამაკაცს აქვთ თანაბარი პირობები და შესაძლებლობები თავიანთი პოტენციალის სრული რეალიზაციისათვის, თანაბრად მიიღონ მონაწილეობა პოლიტიკურ, ეკონომიკურ, სოციალურ და კულტურული განვითარების პროცესებში და თანაბრად ისარგებლონ საზოგადოებრივი სიყვარულით, შესაძლებლობებითა და რესურსებით.

**4. რას ნიშნავს გენდერული დისკრიმინაცია? პასუხი:** დისკრიმინაცია (ლათ. Discriminatio — განსხვავება) ნიშნავს ადამიანების უთანასწორო, უსამართლო მოპყრობას, განსაკუთრებით მაშინ როდესაც ეს მიმართულია რაიმე ნიშნით განსხვავებული ადამიანების ჯგუფის წინააღმდეგ. გენდერული ნიშნით დისკრიმინაცია გულისხმობს სქესის ნიშნით ნებისმიერ განსხვავებას, გამოიყენას ან/და შეზღუდვას, რაც გამოხატულია უფლებებისა და ძირითადი თავისუფლებების განსხვავებული აღიარებით,

შესაძლებლობების არათანაბარი წარმოჩენით, შესუსტებით ან სრული უარყოფით.

**2. რას ნიშნავს გენდერული სტერეოტიპი? პასუხი:** ფსიქოლოგიური მახასიათებლები და ქცევა, გაბატონებული შეხედულება ქალისა და მამაკაცის მახასიათებლებისა და როლების შესახებ, ანუ, როგორი უნდა იყოს და როგორ უნდა იქცეოდეს ქალი ან

რუბრიკის მომზადება შესაძლებელი გახდა ამერიკელი ხალხის გულუხვი დახმარების წყალობით, რომელიც აშშ-ს საერთაშორისო განვითარების სააგენტოს (USAID) მეშვეობით იქნა გაწეული. შინაარსზე პასუხისმგებელია „საქართველოს დემოკრატიული ინიციატივა“, ის შეიძლება არ ასახავდეს აღმოსავლეთ-დასავლეთის მართვის ინსტიტუტის, USAID ან აშშ-ის მთავრობის შეხედულებებს.





# „ქუთაისი საპარლამენტო დედაქალაქი“ – ეს არის ახალი სუნთქვა...

ქუთაისი ტრადიციულად იყო ქვეყნის კულტურულ-საგანმანათლებლო და სპორტული ცხოვრების ცენტრი. ბოლო პერიოდში, მძიმე ეკონომიკურ-სოციალურმა პირობებმა ამ როლის შესუსტება განაპირობა. მასიურად ხდება ქალაქიდან პოლიტიკური და ინტელექტუალური რესურსის გადინება, რაც ქუთაისის განვითარებას მნიშვნელოვნად აფერხებს.



საპარლამენტო დედაქალაქის სტატუსმა ქუთაისის რეალურად უნდა დაუბრუნოს რეგიონის, დასავლეთ საქართველოსა და ქვეყნის ერთ-ერთი მთავარი ქალაქის ფუნქცია. კვლავ გახდეს პოლიტიკური და კულტურულ-საგანმანათლებლო ცხოვრების ცენტრი. საპარლამენტო დედაქალაქი ნიშნავს: მეტ სამუშაო ადგილს, მეტ ინვესტიციას, მოწესრიგებულ ინფრასტრუქტურას, გაუმჯობესებულ საცხოვრებელ პირობებს.

საპარლამენტო დედაქალაქის ბიუჯეტი მოგვეცემს შესაძლებლობას მოგვარდეს ისეთი პრობლემები, როგორცაა გზები, შიდა საქალაქო ტრანსპორტი, ქალაქის 24 საათიანი წყალმომარაგება თუ მრავალი სხვა პრობლემა. რაც ყველაზე მთავარია, გაჩნდება მეტი სამუშაო ადგილი. გაიზარდება უმწიფობის, მართობის, მარჩენა და კარგულების, შეზღუდული შესაძლებლობების მქონე პირების, მრავალშვილიანი დედებისა და სხვა სოციალურად დაუცველი ფენების დაფინანსება. სტუდენტები და პენსიონერები ისარგებლებენ შეღავათებით

ტრანსპორტზე, გადაუღებელი აუცილებლობისათვის მოქალაქეები მიიღებენ მატერიალურ დახმარებას.

„ქუთაისი საპარლამენტო დედაქალაქი“ არ ნიშნავს მხოლოდ ქალაქის წინვლას. ეს იყო და არის მთლიანად რეგიონის განვითარების გეგმა. პროექტის ფარგლებში უკვე გაიხსნა პრომეთეს მღვიმე, ოკაცეს კანიონი, შეკეთდა სათაფლიის ნაკრძალი და მოწამეთის კომპლექსი, დაიწყო გელათის რეაბილიტაცია და გაიხსნა სასულიერო აკადემია, ასევე მოხდა ბაგრატიის ტაძრის, ლადო მესხიშვილის სახელობის სახელმწიფო დრამატული თეატრის, მელიქონ ბალანჩივაძის სახელობის ოპერისა და ბალეტის

თეატრისა და ნიღბების თეატრის სრული რეკონსტრუქცია ქალაქის ცენტრის რეაბილიტაცია.

აშენდა სპორტის სასახლე, აღდგა ქუთაისის ცენტრალური სტადიონი, მოეწყო საცურაო აუზი, საჩოგბურთო კორტები, გაკეთდა აკვაპარკი. პროექტით გათვალისწინებული იყო ვანის მუზეუმის ძველი შენობის რესტავრაცია და ახლის აგება, რომლის მიმდებარე ტერიტორიაზე განთავსდებოდა ანტიკური ხანის არქიტექტურული პარკი, ქართული და უცხოელი სტუდენტებისათვის გაიხსნებოდა მუდმივმოქმედი არქეოლოგიური ცენტრი. სწორედ ამ პროექტით წყალტუბო გახდებოდა ევროპული



სტანდარტების შესაბამისი საკურორტო ქალაქი.

იგეგმებოდა ლენტეხი-მესტიის დამაკავშირებელი გვირაბის მშენებლობა.

ქუთაისის დავით აღმაშენებლის სახელობის აეროპორტს უნდა ჰქონოდა როგორც სატვირთო, ასევე სამგზავრო აეროპორტის ფუნქცია. ეს ყველაფერი ერთად შეუწყობდა ხელს ტურისტული პოტენციალის სრულად ათვისებას და ქუთაისის გახდებოდა იმერეთისა და დასავლეთ საქართველოს ტურისტული ცენტრი. რეგიონის ეკონომიკურ განვითარებას ემსახურებოდა ქუთაისის ტერიტორიაზე თავისუფალი ეკონომიკური ზონების შექმნა, რაც ასევე განაპირობებდა მეტ

სამუშაო ადგილსა და მეტ ინვესტიციას. „ქართული ოცნების“ ხელისუფლებამ დროებით შეაჩერა ყველა პროექტი.

8 ოქტომბრის გამარჯვებით ჩვენ ვუზრუნველყოფთ საქართველოს წინსვლასა და მის შეუქცევად განვითარებას!

„ქუთაისი საპარლამენტო დედაქალაქი“ - ეს არის ახალი სუნთქვა, ეს არის ძლიერი ქალაქი, ძლიერი რეგიონი-ძლიერი ქვეყნისთვის.

**აპაკი პოპონიძე**  
 „ერთიანი ნაციონალური მოძრაობის“  
 მაჟორიტარი დეპუტატობის  
 კანდიდატი ქუთაისში,  
 №48 საარჩევნო ოლქში

# პენაციური შემოდგომა ქუთაისში

ქუთაისში, მარჯანიშვილის N24 მცხოვრებ მოქალაქეებს წვიმიან ამინდში გარეთ გამოსვლა არ შეუძლიათ, რადგან სადარბაზოები და ეზო მთლიანად წყლით იფარება. ეს ფაქტი, რა თქმა უნდა, დისკომფორტთან ერთად სფრთხესაც უქმნის მათ, განსაკუთრებით კი პირველი სართულის მცხოვრებლებს.



საცხოვრებელ ბინებს მკვეთრი ბზარები აღენიშნება, შენობა ვიზუალურადაც დეფორმირებულია. აწუხებთ ნესტი და აქედან გამომდინარე, მორიელები. ორსართულიანი საერთო საცხოვრებელში, სულ ცხოვრობს რვა ოჯახი, რომელთა უმრავლესობასაც მკირეწლოვანი ბავშვები ჰყავთ. ყოველი წვიმის მოსვლისას ისინი, ფაქტობრივად, მოწყვეტილი არიან გარესამყაროს.

„P.S.“-ის ლიკა დავდარიანი ©

გაზეთი P.S. დაინტერესდა აღნიშნული პრობლემით და მოსული უხვი ნალექის შემდეგ ადგილზე შეეცადა სიტუაციაში გარკვევას. გავესაუბრეთ ბინის ერთ-ერთ მცხოვრებს, ვია ჩხილაძეს.

„თქვენც ხომ ხედავთ, რა სიტუაციაა, ამ მდგომარეობაში ვცხოვრობთ წლებია. სულ რაღაცას გვპირდებიან, მაგრამ, ჯერჯერობით, არაფერი გაუკეთებიათ. იქნებ, არჩვენების მერე მაინც მოვიდეს ხელისუფლება, რომელიც მოგხედავს. მე, პირადად, ავადმყოფი შეილი მყავს სახლში, ხშირად მჭირდება სასწრაფოს გამოძახება, მაგალითად, დღეს რომ დამჭირდეს, ვერ გამოვიძახებ, აქ ექიმი როგორ უნდა შევიყვანო? წინა დღეს შეილიშვილი ვერ გამოვიყვანე გარეთ, რადგან ეზო მთლიანად დატბორილი იყო. რამდენჯერმე ადგილობრივ თვითმმართველობასაც მივმართეთ, მოვიდნენ, ერთჯერადად გაწმინდეს არხები, მაგრამ ამით პრობლემა არ მოგვარდა, რადგან მთავარი სანიღვრე სისტემა მოუწყვრივებელი“.

ჩვენი მისვლიდან ნახევარ საათში აღ-

ვალზე გამოცხადდა ქუთაისის მერიის კეთილმოწყობის სამსახურის წარმომადგენელი, რომელსაც სიტუაციის შეფასება ვთხოვეთ. სანიღვრე სისტემის დათვალიერების შემდეგ მან განაცხადა, რომ არხები სავესტა საყოფაცხოვრებო ნარჩენებით, რის გამოც სისტემაში დამონტაჟებული საცხურები წყალს ვერ ატარებს და გადმოდის კალაპოტიდან, რაც იწვევს ტერიტორიის დატბორვას.

არხებიდან ნავის ამოსატუმბად მან სამაშველო რაზმი გამოიძახა. ამასობაში წვიმამ გადაილო და წყლის დონემაც

იკლო. უახლოესი მომავლისთვის კი მოსახლეობას დაპირდა, რომ ადგილობრივი ხელისუფლება უფრო დიდი მოცულობის არხებს დაამონტაჟებს.

გაზეთი P.S. თვალყურს მიაღწევს აღნიშნული პრობლემის მოგვარების საკითხს. იმედს ვიტოვებთ, რომ მარჯანიშვილი N24-ში მცხოვრებლებს ბუნება და მერიის კეთილმოწყობის სამსახური ვენეციური შემოდგომისთვის არ გაიმეტებს...



„P.S.“-ის ლიკა დავდარიანი ©